



36 M. DC. XXXIII.

gotiation du traicté fait avec le Prince Casimir & les Reistres , & en mesme temps pouruen de la charge de grand Preuost de France , choisi pour Lieutenant de Monsieur le Prince de Dombes en sa Compagnie d'Ordonnance , fait Cheualier de l'Ordre du Saint Esprit , & du petit nombre des Disciples fidelles du Roy Henry troisieme , qu'il n'abandonna iamais en cette aspre & perilleuse persecution des baricades de Paris : Continuant ses bons & fidelles devoirs il conserua la ville de Tours en l'obeyssance de son Maistre , se trouua aux batailles d'Arques & d'Yury , & aux Sieges de Vendome , du Mans , d'Alençon , Falaise , & autres places , & s'enrichit en tous ces marchez d'honneur de toute la gloire qu'un braue & ferme courage peut acquerir ; & en fin la mort ne l'ayant sceu renconter dans les plus redoutables perils des armes , l'emporta par vne sieure ardente , cansee des grandes & extraordinaires fatigues qu'il auoit suffertes au siege de Paris , apres y auoir esté fait Capitaine des gardes du corps de ce grand Roy Henry IV .

Il estoit fils de Louys du Plessis , sieur de Richelieu & autres places , & de Dame Françoise de Roche Chouard fille du Seneschal de Tholouse , & petit fils de Dame Anne le Roy son ayeulle paternelle , fille de Guyon le Roy General des armées nauales dressées contre les Anglois en l'an mille cinq cens treize . Lesquelles deux Dames estoient







38 M. DC. XXXIII.

ce decoustant par les femmes perde son rang , & son autorité , avec le droit & suc-cessif de la Couronne , il retient nean-moins la valeur & la generosité autant inseparable d'iceluy que sa propre & naturelle couleur : comme si ce sang le plus auguste & le plus excellent qui ait jamais esté reue-ré en terre , estoit la plus certaine source & la plus pure & claire veine de la gloire du monde , en luy donnant par les masles des Roys , & des Testes pour le commander : & par les femmes , des Heros & des bras vi-goureux pour le seruir & le dessendre .

Mais ce qui accroist davantage l'excellen-
ce du merite de Monsieur le Cardinal , voi-
re qui en est la principale cause , & le plus
agreable fondement , c'est l'amour & l'affec-
tion singuliere qu'il a au Roy , & à son
Estat , par laquelle ayant prouoqué celle de sa
Majesté , il faut aduouer que ces deux affec-
tions mutuelles , & l'heureuse liaison d'une
ame plus que Royale avec vn esprit plus
qu'humain ont donne la germe , la fleur , &
le fruit à toutes les merueilles qui ont paru
pour illustrer la gloire & conforter le salut de
cette Monarchie .

Il n'y eut iamais Roy qui ait tant aimé , ny
qui se soit plus confié sur Ministre ny
Ministre qui ait plus aimé son Roy .

Sile Roy n'eust aimé , cogneu & employé
Monsieur le Cardinal , que fussent devenus
toutes ses rares perfections ? c'eussent été
autant de lumieres cachées sous le moy ,

